

Rasvijetljeno krivično djelo razbojništva

Dana 24.01.2019.godine u 19,15 sati, obaviještena je IV PU da je u ulici Milana Preloga, općina Novi Grad Sarajevo, od strane NN lica, izvršeno krivično djelo razbojništva nad uposlenicom u apoteci "LUPRIV". Tom prilikom maskirano NN lice je, uz prijetnju pištoljem, otuđilo određenu sumu novca i lijekova, a zatim se udaljilo u nepoznatom pravcu. Radeći na rasvijetljavanju navedenog krivičnog djela, policijski službenici IV PU su pomenutog dana u 19,45 sati, u ulici Safeta Hadžića, općina Novi Grad Sarajevo, pronašli i lišili slobode lice E.K., rođen 1999.godine, nastanjen u Sarajevu, zbog postojanja osnova sumnje da je počinio krivično djelo iz člana 289. KZ F BiH (Razbojništvo). Prilikom pretresa kod istog je pronađen i oduzet jedan gasni pištolj marke "Zoraki", sa okvirom. Izvršenim provjerama utvrđeno je da je za E.K. raspisana potraga od strane I PU, zbog počinjenog krivičnog djela razbojništva u pokušaju. O prednjem je obaviješten tužilac Kantonalnog tužilaštva Kantona Sarajevo, a uviđajne radnje su obavili policijski službenici Uprave policije MUP-a Kantona Sarajevo. Lice lišeno slobode je predato u Jedinicu za osiguranje objekata i zadržavanje osoba lišenih slobode MUP-a Kantona Sarajevo. Policijski službenici nastavljaju kriminalističku obradu nad navedenim licem.

25.01.2019

© Ministarstvo unutrašnjih poslova KS 2011., 2015. Sva prava pridržana. Izrada. Zavod za informatiku i statistiku KS
(<https://zis.ks.gov.ba>)

Početna (<http://mup.ks.gov.ba/pocetna>) | **RSS izdvojeno** (</rss/izdvojeno>) | **RSS konkursi** (</rss/konkursi>) | **RSS javni pozivi** (</rss/pozivi>) | **Struktura stranice** (<http://mup.ks.gov.ba/sitemap>) | **Kontakti** (<http://mup.ks.gov.ba/gradjanstvo/kontakti>) | **E-pošta** (<http://mmail.ks.gov.ba>)

